

Յօդ. 6. Դատաստանական կանոնադրութեան 100-րդ յօդածի 1 կէտը ձևակերպել այսպէս՝ Երևան քաղաքը իր գաւառով 750 անձ. 3 կէտը՝ «սոյն տարւայ համար գաւառներում շրջանային դատարանի նիստերը ոչ աւել 4-ից՝ մասնակցութեամբ երդւեալ ատենակալները իւրաքանչիւր այդպիսի շրջանում գելպից — ընդամենը 260 անձ»:

Յօդ. 7. Դատաստանական կանոնադրութեան յօդածի՝ 201¹, 201², 202, 204 ծանօթութիւնով, 205¹, 670, 1000, 1001, 1002, 1003, 1009, 1010, 1016, 1021, 1025, 1026, 1030, 1031, 1032, 1116, 1280¹ վերացուած է:

(Հաստ. դեկտ. 6-ին 1918թ.)

1919թ. Ֆինանսական նախահաշիւների և պետական ել ու մուտքի տախտակը կազմելու, քննելու և հաստատելու մասին. — 1) Իւրաքանչիւր մինիստրութեան ել ու մուտքի նախահաշիւների նախագծերն ուղարկուած են Ֆինանսական մինիստրութեան ոչ ուշ քան 1919թ. փետրուարի 1-ը:

2) Իւրաքանչիւր մինիստրութեան նախահաշիւի նախադիժը նախօրօք քննուած է նախահաշիւները քննող միջվարչական յանձնաժողովը, որը կազմուած է այդ մինիստրութեան, Ֆինանսական մինիստրութեան և պետական վերահսկողութեան ներկայացուցիչներից:

3) Յանձնաժողովների անդամների թիւը որոշուած է յիշեալ վարչութիւնների համաձայնութեամբ:

4) Այն նախահաշիւներն ենթադրութիւնները, որոնց մասին տարածայնութիւն չի ծագում նախահաշիւներ քննող յանձնաժողովի մէջ, համարուած են հաւանութիւն գտած նախահաշիւի նախագծի մէջ մուծելու համար:

5) Ծագած տարածայնութիւնների մասին յիշեալ երեք վարչութիւնների ներկայացուցիչները ղեկուցուած են իրենց իշխանութիւններին: Եթէ վերջիններս չեն գայ համաձայնութեան, նախահաշիւի նախագծին կցուած է նրանցից իւրաքանչիւրի եզրակացութիւնը:

6) Նախահաշիւային յանձնաժողովի քննած նախահաշիւների նախագծերը տարածայնութիւն առաջ բերող հարցերի մասին մտքորած եզրակացութիւնների հետ միասին ուղարկուած են Ֆինանսական մինիստրութեան միջոցով մինիստրների խորհուրդը ոչ ուշ քան 1919թ. փետրուարի 20-ը:

7) Մինիստրների խորհուրդը քննելով նախահաշիւների նախադիժը, լուծելով վիճելի հարցերը և նախագծին իր հաւանութիւնը տալով վերադարձնում է նրանց Ֆինանսական մինիստրին՝ պետական ել ու մուտքի տախտակի նախագիծը կազմելու համար:

8) Ֆինանսական մինիստրը մինիստրների խորհրդին ներկայացնում է պետական ել ու մուտքի տախտակի նախագիծը ոչ ուշ քան 1919թ. մարտի 1-ը:

9) Մինիստրների խորհրդի կողմից հաւանութիւն գտած պետական ել ու մուտքի տախտակի նախագիծը հրատարակուած է անմիջապէս և առաջարկուած Հայաստանի խորհրդի քննութեան ոչ ուշ քան 1919թ. մարտի 20-ը:

Ծանօթութիւն. Պետական ել ու մուտքի տախտակի նախագծի հետ հրատարակուած է նաև նախընթաց 1918 թւի հաշիւառութիւնը:

10) Թոյլատրուած է Հայաստանի Հանրապետութեան բոլոր մինիստրութիւններին 1919 թւի յունւարի մէկից մինչև մայիսի 1-ը պետական ծախքերն անելիս՝ գեկալարեւ նախընթաց 1918 թւի ելից նախահաշիւներով:

(Հաստ. յունւար 3-ին 1919թ.)